

# ANGLIA.

68

Imperium ma-  
jorem.

Urbium nomina

Flumina,  
Mare.

Portus.

Ratio gubernandi

Mollosi nullibi gentium præstantiores, ferocioreſque. Nuſquam gentium major Cornicum multitudo. Magna etiam Milviorum qui pullis inſidiantur copia. Romani Britanniæ potiori parti quingentos pene annos imperarunt, a C. Cæſare ſcilicet ad tempora uſque Theodoſii junioris: cujuſ ætate Romanorum legiones & præſidia ad Galliam defendendam accerſita, Britanniam Inſulam reliquerunt; quo factum eſt, ut Picti Scotique partem Australem invaſerint; quorum impetum quum diutius ſuſtinere Britanni non poſſent, vocarunt Germania Saxones, viros bello adſuetos, quorum opera initio adverſus Scotos & Pictos uſi ſunt. Poſtea vero Saxones ſive Cæli illecebris capti, ſive Pictorum amicitia & familiaritate ducti, ſive perfidia propria impulſi, fœdus adverſus Britannos cum Pictis inierunt, domitiſque & proſtigatiſ hoſpitibus, ipſi illorum loca invaſere. Vnde & pars illa Britanniæ Anglia, ut ſupra vidimus, dicta eſt. Continet Anglia urbes plurimas, inter quas maxime excellunt, *Londinum, Eboracum, Cantuaria, Briſtolia, Gloceſtria ſive Glovernia, Salopia, Virgornia, Bathonia, Cantabrigia, Oxonia, Nordwicus, Zandwicus* cum multis aliis quas in deſcriptionibus particularibus delineabimus. Flumina illuſtiora *Tameſis, Humberus, Trenta, Oufa, & Sabrina*, de quibus ſuis locis. Oceanus autem qui Inſulam alluit, omniſ generis Piſcium copia redundat; inter quos Lucius eſt, quem *Pike* vernacula lingua appellant, qui apud illos magno in precio habetur; eoque eum interdum ex paluſtri aqua in vivaria tranſferunt; ubi nidore illo opido purgatus, anguillis minutis ſque piſciculis paſtus mirandum in modum pingueſcit. Oſtea nec alibi delicatiora, nec plura. Portus vero Angliæ præcipui ſunt hi: *Davernum*, vulgo *Dovre*, qui eſt Comitatus Cantii extremus, ac colle munitur, arcemque habet tutiſſimam, omni armorum genere optime inſtructam: *Munſbay* ſatis latus in Cornvallia, ubi tutiſſima eſt navium ſtatio. Item *Wolemouth ſive Falemouth, Torbay, Southantonenſis*, & alii. Angliæ Rex ſupremam poteſtatē & merum Imperium habet, nec in Imperii clientela eſt, nec in veſtituram ab alio quovis accipit, nec præter Deum, ſuperiorē agnoſcit. Ejus ſubditi vel ſunt Laici vel Eccleſiaſtici. Item ſunt vel Nobiles vel Plebei. Nobiles ſunt vel majores: ut Duces Marchiones, Comites & Barones, qui vel hæreditario jure hiſ titulis gaudent, vel iſſdem virtutis ergo a Rege exornantur. Ducis autem nomen ſoli Regis filio natu maximo hoc tempore convenit: quamvis olim plures hoc titulo inſigniti fuerint. Nobiles minores ſunt Equites Aurati, Armigeri, & qui vulgo Generoſi & *Gentlemen* dicuntur: Generoſi, vel promiſcue nobiles ſunt, qui natalibus clari, aut quos virtus aut fortuna a face hominum extulit. *Cives ſive Burgeſſes* qui in ſua quilibet urbe publicis funguntur muneribus & in Parlamentiſ Angliæ Comitiiſ locum habent: *Juveniſ ſive Yeomen* ſunt, quos Legales homines lex vocat, & ex agris, quos optimo jure tenent, quadraginta ad minimum ſolidos quotannis colligunt: *Opifices* autem ſunt qui mercede operam locant. Dividitur autem tota Anglia in Comitatus XXXIX. Comitatus vero in Centurias (que in nonnullis regni partibus *Wapentaches* a tractu armorum nominantur) & in decurias dividuntur. In hiſ Comitatuſ, difficilioribuſ temporibuſ, *Præſectus Regiuſ*, quem *Lieutenant* vocant, ne quid detrimenti Reſpublica capiat, conſtituitur. Singuliſ vero anniſ nobiliſ aliquiſ ex incolis præſcitur, quem *Vicecomitem* quaſi vicarium Comitii� & Anglice *Shariſſe*, id eſt Comitatuſ Præpoſitum vocant; qui etiam Comitatuſ vel Provin.